

# И К М КОМСОМОЛОНЬ ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский  
обкомть и Саранский  
юркомть газетасна.Адресь: г. Саранск, Советская ул.,  
Дом печати, телефон № 1-60.

ПИТНЕЦ 5 тр.

МАРТТЬ  
21-ЦЕ ШИСТОНЗА  
1940 КИЗОНЯ  
33 № (1685)

ЛИСЕНДИ КОВТИ 12-ксть.

## ТИСАСЬК МОРДОВИЯТЬ ПАНЖИ САДКС

Мордовский АССР-нь сембе комсомолецнени и комсомолкатнени, од ломаттнени и колхозникнени, рабочайхнени и служащайхнени Лямбирский районь Пензятский велень советонь „Харрият“ колхозонь комсомолецнень, од ломаттнень и колхозникнень сьормасна

ВКП(б)-нь исторический XVIII с'ездсь путсь задача, штоба маластонь пингть сатомс главнай капиталистический странатнень экономический отношениас.

Комсомолсь и сембе советский од ломаттне оцю энергия и энтузиазма мархта кярмодсть тя важнейшай задачат пяхкодемандцы. Пяхкодемек с'ездть решениязон, минь странасонк касы социалистический индустриась, велень хозяйствась и касы трудящайхнень культурнай уровеньсна. Эряфть сядонга цебяргофтоманц, радостнайста тиеманц колга эрь призывсь васьфнесь и васьфни сембе ширднь поддержка трудящайхнень ширде.

Сембе приусадебнай участкатнени плодовой шuftонь озафтомать колга Московский большевикнень починсна арси трудящайхнень культурасон и сядо товодонь экономикасон касоманц областсь Сталинский Колмоце Пятилеткать планонц практически пяхкодемекс. Тя замечательнай починць мусь кели отклик колхозникнень и сембод пях велень комсомолецнень йоткса.

Московский большевикнень кепотьксонды минь, „Харрият“ колхозть комсомолецонза и од ломаненза, сявонттяма эсь лангзонк обязательства, штоба тя кизонь тунда эсь приусадебнай участказонк—кудоньконь перьфке озафнемс аф 15—20 плодовой шuftтта кржа.

Тя тевть важностенц азондсась сембе колхозникнени и саттама, штоба кажнайсь синь эздост озаф-

толь фруктовой шuftт эсь усадьбазонза. Озафнеф плодовой шuftтнень мельге уходса йотафтьсась сембе агротехнический мероприятиятнень и мобилизовандасась велеса сембе од ломаттнень, пионерхнень и школьникнень приусадебнай садонь ванфтомати. Тяда башка 1940 кизоть пингста тисаськ надлежащий порядкас колхознай садть, конац занци 15 гектар. Перясаськ сонь и озафнетяма декоративнай шuftста защитнай полоса и садть мельге уходса пяхкотьсаськ сембе агротехнический мероприятиятнень, штоба сонь эздонза получамс оцю урожай. Ня работатнень йотафтомасонды пуропттама специальнай звена садоводстваса работама. Минь увереннайхтяма, што маластонь 3—4 кизотнень полафты минь колхознай веленьконь внешнай видоц, сон кармай панжема пышной и мазисадса. Колхозсь и колхозникне получайхть дополнительнай доходонь источник: свежай ароматнай кожф, танцти, питательнай плотт и ягодат.

Тернесась Мордовиянь комсомолецнень и сембе од ломаттнень, тиемс минь примероньконь коряс и марстонь вийса тиемс Мордовиять панжи садкс. Минь, комсомолецнень и од ломаттнень саты энергияньке, инициативаньке и настойчивостеньке, штоба пяхкодемс тя государственнай оцю тевть.

Собраниять поручениянц коряс: С. Заитов, И. Максотов, Т. Забиров, И. Смакаев, И. Хайрова.

## ВЛКСМ-нь Мордовский обкомть БЮРОНЦ МАРТТЬ 16-це ШИНЬ ПОСТАНОВЛЕНИЯЦ

„Мордовский АССР-нь сембе комсомолецнени и комсомолкатнени, од ломаттнени и колхозникнени, рабочайхнени и служащайхнени“ Лямбирский районь Пензятский велень советонь „Харрият“ колхозонь комсомолецнень, од ломаттнень и колхозникнень сьормаснон колга.

1. Одобрить Лямбирский районь Пензятский велесветонь „Харрият“ колхозонь комсомольский организациять инициативанц—эсь приусадебнай участкаваст 15—20 плодовой шuftонь озафтомать колга.

2. Марьгомс ВЛКСМ-нь РК-твенди, колхознай и школьной первичнай комсомольский организациятнень секретарьсонды, штоба открытай комсомольский собраниясост обсудиндалезь тя сьормать, келептелезь комсомолецнень

и од ломаттнень йоткса садоводствать и колхознай велетнень озеленениясон инкса социалистический соревнованиять.


3. Марьгомс ВЛКСМ-нь обкомть крестьянский од ломанень отделонцы и ВЛКСМ-нь сембе райкомтнени земельнай оргаттнень мархта марса йотафнемс агротехнический темас и садоводствать колга лекцият и докладт.

ВЛКСМ-нь ОК-ть секретарец—СОЛОВЬЕВ.

Мартть 17-це шистонза, 1940 к.

## ТАСС-ть сообщенияц

Тя кизонь мартть 19-це шистонза СССР-нь Верховнай Советть Президиумоц ратифицировандазе СССР-ть и Финляндский Республикаты йоткса Мирнай Договорть, конац кемакстаф Москуса 1940 кизонь мартть 12-це шистонза.



Освобожденный польский шляхтатнень гнетснон алда гуцулский горнай на-родсь эрь од радостнай эряфса. Тяни гуцулхне аноклать СССР-нь и УССР-нь Верховнай Советтнени кочкамати.

СНИМКАСА: Жабье велень од гуцулхне, конат васенцеда кармайхть участвовандама выборхнень эса. Кержи ширде види шири: В. Курсюкс, В. Филичуксь и П. Остафийчуксь.

Фотось Б. Козюкть (ТАСС-ть фото-клишец).

## Тоса, коса цебарьста ладяф работась

Торбеева. Насакина велень „Пятилетка“ колхозонь комсомольский организациясь колхознай од ломаттнень йоткса вяти агитмассовой и политико-воспитательнай оцю работа. Комсомолецне, конат выделенайхть агитаторкс, колхознай клубса, ферматнень эса од ломаттнени тиендихть международнай положениать колга беседат и лувондыхть газетат. Тянди результаткс ащи ся фактсь, што 1939 кизоня комсомольский организациять рядонза 3 комсомолецта кассь 42 комсомолец.

Комсомольский организациясь тяфта жа пях оцю участия примоси колхозть хозяйственной эряфонц эсовок. Сон эсь общей собраниязон эса лама кизефкт разбирал тундань видеа кампанияти аноклать колга.

Комсомольский организациясь мекольдень пингть эсь членонзон эзда аф кржа ялгат выделил руководящай и ответственной посттнени. Вирясов комсомолецсь выделеннай колхознай хозяйствати завхозкс, Пронькин Н.—брига-

диркс, Пронькин С. П.—старший кузнецкс, а Сидоров комсомолецсь—старший конюхокс. Ня ялгатне комсомольский организациять довериянц оправданакшнесазь честь мархта. Синдейст довереннай работань участкатне тундань видемати анокт 100 процентс.

Комсомолецне оцю вийса тюрхить Сталинский 7—8 миллиартт пуд сьоронь сявومات инксовок. Комсомолецнень: Пронькин Т., Паршин С., Васиков В. ялгатнень ударнай работасон и цебарь руководствасон вельде тя кизоня колхозть паксянзон лангс ускф ни 1800 ускф назем и кочкаф лама кулу и нармонень помет.

Паршина Анна, Нейсова Лиза и Рузаева Антонида комсомолкатне кемакстаф од ломанень звенатнени звеньеводкакс, конат тундань работатнень цебарьста васьфтемаснон инкса эсь звенаснон йоткса вятихть оцю аноклань работа.

Н. Пронькин.

## Комсомольский организациясь работой цебарьста

Мордовский комсомольский политпросветшколань первичнай комсомольский организацияса лувондови 289 комсомолец.

Комсомольский организациясь эсь эряфозонза йотафнесыне ВЛКСМ-нь ЦК-ть X пленумонц решениязон. Сембе комсомолецне тюрхить школаса отличнай успеваемость инкса. Синь максихть оцю лезкс калдывста тонафни ученикнени. Комсомольский организациясь кирди кеме соткс шко-

лать преподавательский составонц мархта.

Тяда башка комсомолецне примосихть активной участия ГСО-нь, ПВХО-нь и ВС-нь значокнени нормань максомаса. Сенькин, Ремникова комсомолецне РККА-ть и Военно Морской Флотть XXII годовщинасонды аноклать комсомолецнень эзда 170 значкист.

П. Анаев.

Краснослободский район.

## Отличницась кочкаф старостац

Каньгуж велень средний школань 7-це классонь ученикас Д. Тренькинась лангозонза сявф обязательствать пяхкотькшнесы честь мархта. Тренькинась тонафни анычек отличнайста.

7-це классонь ученикне Тренькинать, кода отличницаь и цебарь общественницаь, кочказь класснай старостац.

А. Икомасов.

Ельниковский район.



## Колхозсь тундань видемати анок

Рузаевка. Левжа велень „1-це май“ колхозсь пяк оцю работа йотафтсь тундань видема кампанияти анокламань тевса.

Мартть 15-це шинцты колхозсь ремонтировандазень сембе вельхозмашинамзон, конатнень эзда ульсь: 20 плуг, 8 сеялкат, 43 полотно инзама. Тяда башка аноклаф 32 сокама ашка и 12 крандас. Сембе машинатне и инвентарсь явфт бригадава.

Колхозсь тяфта жа пяк оцю работа йотафни урожайностень касфтома тевса. Сон мартть 13-це шинц самс паксянзон лангс усьсь ни 850 усф назем, 150 гектар лангса йотафтсь снегозадержания, кочкась лама кулуфт и птицань помет.

Тяни колхозсь рабочей планц коря кемокстась видихть, сокайхть, инзайхть и лия рабочейхть, конатнень йоткса правлениясь и бригадирхне йотафтсь лама беседат производственной темас.

„1-це май“ колхозсь тя кизоня сьорода сембоц види 833 гектар. Сия эздост 250 гектарсь тозер, 289—пинем, 80—сура, 30—каньф; 25—модамарь и лия культурат.

Тундань видема нюрхкяня пингста и образцовай качества йотафтоманц инкса колхозонь бригадатне эсь йотковаст кемокстась социалистический соревнованиянь договорхт, колхозсь соревнуется тяка жа районь Сузгарьге велень „Од ки“ колхозть мархта.

Дм. Р.

## Сатомс эрь гектарста 100 пуд сьора

Штоба сатомс 100 пуд сьора эрь гектарста, „Чапаев“ колхозсь колхознай комсомольский организациять инициативанц коряс организованда сьоромолецонь и од ломанень звена. Тейнза кемокстась 5 гектархт участка.

Комсомолецне путнесазь сембе вийснон, штоба пашкодems тя почетнай задачат. Сия эсь участказост йотафтсь ловонь кирдема, уськсть навоз, кулуфт и саразонь помет.

П. Алешкин.

Атюревский район.



Массовой парашютной спортть развитияня областьса выдающай сатфксенень инкса СССР-нь Осоавиахимский Центральной Советть президиумоц присвоил парашютнай мастеронь звания Н. А. Лобановти—инженерти-конструкторти, конач разработал парашютнай од конструкция СССР-нь Наркомлегпромонь фкия заводса и тись лама экспериментальной комотнемат.

СНИМКАСА: Н. А. Лобановсь.  
Фотось В. Колывановть.  
(ТАСС-ть фото-клишец).



Смоленский связень управлениянь справочнай информациянь работницася Е. Н. Ниловась на „отлична“ аделазе Смоленский аэроклубса тонафнеманц. Е. Н. Ниловась кочкаф Смоленск ошень Сталинский райсовету трудящайнь депутатокс. СНИМКАСА: Е. Н. Ниловась (кяржи ширеса) и летчиксь-инструкторсь М. М. Труханенковась, ниголе работась телеграфисткакс Смоленский связень управленияня.

Фотось В. Шаровскийть (ТАСС-ть фото-клишец).

## Организовандаф сьормадомань кружок

Минь социалистический условиясонк итнень воспитандамань тевсна ащи государственнай и общественной оцю тевкс. Итнень колга заботати терьтфть родительхне, школась и комсомолсь. Лама комсомольский организацият, педагокт шарьхкодезь итнень досугсон деловоиста организоваданц важностенц и необходимостенц.

Широмасовский аф полный средний школань педколлективсь (ди-

ректорсь комсомолкась Черненко ялгась) организовандаф сьормадомань кружок, конач тянийнь пингть работай Сталинонь оцю портретонц сьормадоманц лангса.

Но и аф калдывста работайхть школаса музыкальной и драматический кружокневок. Сия ламоксть выступали, тиендсть постановкат колхозникнень йоткса.

Н. Емельянов.

Теньгушевский район.

## Школаса воспитания колга

Теньгушевский райононь школань сембе комсомольский и ученический собраниянень эса обединдаф ВЛКСМ-нь ЦК-ть X пленумонц решениянзон, но тячийнь шити самс лама комсомольский организацият, а стания жа лама ученический комитетт пленумть решениянзон эряфс аф йотафнесазь.

Школьной комсомольский организациятне пцтай йофси аф занимаданкшнихть школатнень эса учебно-воспитательнай работать

мархта, а меклангт, лама комсомолецт, пионерхт лувондовихть тонафнемаса неуспевающайкс, аф дисциплинированнайкс.

Тяда башка ученикне аф касфнесазь эсь политический и культурнай образованиянь уровеньон, аф тонафнесазь ВКП(б)-ть историянц, аф лувондыхть художественнай литературнай произведенийт.

Н. Е.

## Осоавиахимский организациять работац

Нинге тонафнема кизоть ушеткестакиге Теньгушевский средний школань осоавиахимский организациясь (руководителец М. И. Соколов ялгась) ладязе лацсь работанц. Шида-шис касфнесыне и кемокснесыне эсь рядонзон, аноклаф лама обороннай значкистт членонзон йоткста.

Рабоче-Крестьянский Якстерь Армиять и Якстерь Военно-Морской Флотть XXII-це годовщинаснон честьс аноклаф лама достойнай подаркат. 50 ученик максозь норматнень ПВХО-нь 1-це ступенень значокти, 210 ученик максозь норматнень БПВХО-нь значокти, 80 ломань—ГСО-нь значокти, 33 ломань—ЮВС-нь значокти, 20 ученик максозь Воршиловский стрелок значокти норматнень.

ВЛКСМ-нь ЦК-ть X пленумонц решениянц коряс йотафневи аноклама идень творчествань Все-союзнай олимпиадати.

Емельянов.



1939 кизонь ВСХВ-са участниксь и 1940 кизонь ВСХВ-нь участниконди кандидатсь, Мустаевский Рай30-нь зоотехниксь (Чкаловский областьста) Ю. В. Евстигнеевсь казфь оцю золотой медальса.  
(ТАСС-ть фото-клишец).

## Сердоболь и Кексгольм

(Справка)

Мирнай договорть коряс, конатиф Советский Союзть и Финляндиять йоткса, СССР-ть территорианц составсусви Ладожский озерать западнай и севернай побережья Кексгольм, Сердоболь и Суоярви ошнень мархта.

Ладожский озерась—Европаса величайшай озера, сон кемоньксть сяда оцю Финляндияса сембода оцю озерать—Сайма озерать размеронц коряс и 32 крда сяда оцю Женевский озерать коряс. Ладожский озерать кувалмоц 207,5 километра и келец 130 километра. Озерать общай площадец 18 тьожянь квадратнай километра.

Озерать севернай беряконза пяк изрезанайхть, скалистайхть, пяк лама остров мархтот, конат вельхтяфт вирьса. Озерать севернай пяльксонза сяда оцю острофне—Валаамский острофне (главнай островсь—Валаам и 40 йомла острофка). Оцю острофть площадец 150-шка квадратнай километра.

Сембода оцю ошне, конат ащихть Ладожский озерать западнай и севернай побережьясонза,—Кексгольм и Сортавала (Сердоболь). Кексгольмсь (5-шка тьожянь ломань населениянц) ащи Вуоксы лиять устьяса, Ладожский озерать эзда 3 километрань вастса. Ладожский озерать беряконза сонь выгоднай вастса ащемац лездсь рыбнай промыслать и лесной промышленностинь предприятиянень развитиясонды.

Сердоболь ошсь (5 тьожянь ломань населениянц) ащи Ладожский озерать севернай пяльксонза заливань живописнай беряконза. Оша улихть целлюлознай завод и бумажнай фабрика. Сердобольть районца муфт железнай рудань месторождения. Тяса жа мольфтеви сердобольский гранитонь таргамась. (ТАСС).

## Активонь совещанияста

Велеса аф грамотность и малограмотность машфтоманц колга Сире Сомай велень изба-читальняса аф кунара ульсь йотафтф активонь совещания. Совещанияса примасть участия Сире Сомай, Дерган и Толку велетнень эзда культармеецне и ликвидаторхне.

Тя важнай кизефксть колга корхтась МАССР-нь Наркомпротсь представителец Шишканова ялгась. Сон шарьхкодевиаста и подробнайста лотксесь лама пример лангс, кода машфневи аф грамотность и малограмотность минь республикасонк.

Докладта меле совещаниясь кулхондосе Сире Сомай велень советть исполкомонц председателенц Купрятниковть и НСШ-нь директорть Купряшкин ялгатнень велеса аф грамотность и малограмотность машфтоманц колга отчетснон.

Отчетть коряс няевсь, што Сире Сомай велеса аф грамотность и малограмотность машфтоманц инкса работада вятсь пяк кржа. 118 аф грамотнайть эзда тонафнихть аныцек 46 аф грамотнай колхозник.

Активонь совещаниясь постановил, штоба маластонь пингть машфтомс тонафнемаса сембе аф сатыксне и майть 1-це шинцты тиемс выпуск.

Н. Григорьев.

Рыбинский район.

Ответ. редакторть заместителец И. ЧУДАЙКИН.